


叅園遺草

柳田文庫
文庫11
A1239
1





蘇園先生遺草

文庫 11
A 1239
1

清
國
書
局

清
探

印

明治庚午正冬
玉巖書堂開雕

柳田泉文庫

如 書

大學別告田無侍懷漁慶永



藝園遺中



格系無為余信五年快
慷慨而有失者亦喜詩
好文之暇見必述作
與得見
遺典刑矣距今十二日
生亦相頌

聞于友集送稿以欲上持
求題詩余喜其志連稿正
氣歡語記清採冰雪回
字以照之余以為古今懷懔
慨者皆出同一轍時之新節

乃見允然矣明治二年歲
集古屢待出卷之序者十月
十四日於東京神樂橋邸
六只子為中為之永



Faint, ghostly calligraphic text, likely bleed-through from the reverse side of the page.

常山 借

中
三
血
日
月
霜
白

先
山
河
改
色


生書
名臣

上苑
日星

戊午仲秋病

間書

景岳紀



例言

一家兄伯綱志在經世。不在乎區區著作。故平生詩文不甚事修飾。以直摠血性為主。是以近躰非其所長。古風長篇。多足觀者焉。

一家兄之在東京就于獄囚也。自筆硯書簾。以至手簡故紙。皆被收去。故其詩文蕩散幾盡。于是余兄弟相謀。竊索其存交游門人手者。隨得隨錄。雖幼時之作。亦不敢刪除。茲存其志概耳。一輯成二卷。藏之家者久矣。今也

皇運中興。死節事白。適書賈急。請上梓。因出授之。但草率後事。校讎欠功。固不無溫媪魯魚之謬。讀者幸正之。

一集中間有加批圈者。雖不知出誰手。皆不削去。只欲存其舊故焉耳。

一家兄之詩。固不止于此。嗣後所獲。又併詩文有數十百篇。將相繼付剞劂。

明治二年。秋七月。弟綱維常謹識。

藜園遺草卷之上

夏日咏懷

越前 橋本紀 伯綱著

日輝未屆壁。朝氣洵爽新。幽人晨罷餐。下砌逡巡頻。
筠籃摘藜藿。鴉嘴誅荊榛。微風散林樾。白露送烏巾。
整巾送飛鳥。霓氣聊爾伸。注日濃意態。今化淡精神。
因知間適樂。欲永謝風塵。蠻僮進致辭。遠朋送酒臻。
上堂未披簡。偷眼為一顛。

哀雀

啾啾復喑喑。麻雀訴吾側。既無如鐵嘴。無復凌雲翼。

朝啄數粒粟。暮寄檐瓦息。口腹不累人。努力食我力。
矧乳斯四穀。未至傷彼稷。軀雖誠么麼。心自辨白黑。
入幕助王孝。噉環苔揚德。痛哉翅喙脆。長為強之食。
高則有烏鳶。卑則有增雉。攫吾充饑吻。焉足豁壑塞。
籠吾供游玩。固靡金翠飾。玄樞非可議。禍福雖叵測。
良善獲苛報。微物安無惑。願得身蚤死。不目四穀路。
語畢悲不禁。投階欲自殛。吾亦傷弓禽。看此熱胸臆。
天定雖勝人。人多天或忒。爾生亦可憫。蓬蒿有樂國。
且見人間苦。到處有鬼蜮。

消夏五首

錄

掃蕩睡魔茶策勲。支頤虛室誦玄文。猶餘一點機心
在。也就松陰觀蟻軍。睡起

所感

蒼莽風雲龍不行。鳳笙鶴笛隔前生。回頭此恨無窮
盡。時復簷鈴一再鳴。

暑夕乍涼

何來爽氣上欄干。掃斷炎蒸冷素紈。風色乍過深竹
淨。月聲全入響泉寒。聊備一醉琴樽樂。能遣千憂胸
臆寬。停盞陶然觀物象。孤雲帶雨入烟巒。

贈月

明月中晴空。蒼低不可親。美女被妬忌。賢士遘沈淪。
由來快心事。中途輒易屯。念茲嬋娟者。忍辜負淨因。
褰衣趨階走。依約光趁人。世季尚機知。百偽無一真。
俗吏誇周旋。迂儒談經綸。和尚慕任俠。倡優擬縉紳。
君是清高客。肯與此曹鄰。我有負俗累。落托苦孤貧。
只箇一樽酒。邀君欲濡脣。曾時非不識。未若今宵馴。
從此訂盟約。招訪互主賓。我懷已如此。親疎君所掄。
古人重忠信。今人事倏媮。古人不可見。所見盡丰筭。
失時判水火。得勢為漆膠。恃此深窓影。依依不忍拋。
君經照古人。願以古道交。

論文

狐精化處女。羊質蒙虎皮。秦鏡一照下。妖魅無所施。
古文多妙詣。本由性情奇。孫武傳兵法。孟軻憂道衰。
囚秦韓非憤。慮漢賈誼悲。悶為龍門史。傷為河梁詩。
滿胸蓬敷氣。振觸不自持。其人既千古。筆路亦橫馳。
雖時有好尚。竟能無窮垂。腐儒暗達理。兀々然寒髭。
呶嘍檢故紙。脩飾喜自欺。心手勞掠摹。浩氣僂焉飢。
瓶花不耐輝。香色俄頃萎。綴錦非不繡。其奈針縫疵。
揚雄摹六經。不免優孟嗤。王通擬論語。竟蒙王莽訾。
賴此謀不朽。寧非狂而癡。卓夫昌黎翁。後起談笑麾。

陳言務是去。一語乃吾師。

謁新田墓歌。弔源允將公

白羽長鳴日沒光。殺氣壓陣飛龍僵。錦囊橫胸衷有
字。曰討賊事一煩卿。鼠輩相顧誇斃將。凱歌未作鼓
聲鏜。倏懼或非新田公。檢出眉間舊痕傷。公沒百年
紛論彈。或曰鬪智鬪勇優劣判。馬陵前車知不知。公
也恐輸仙山算。或曰公世將家名族冠。迄斯矢石兩
注難。靡乃八百紅識笠。不有代主一死漢。噫人死生
皆係天。成敗論人自古然。海枯見底混沌死。是非顛
倒天成淵。失士獨免非公志。撫下奉上弗戴事。故當

天子詔召急。死一而已寧死義。沙陀尚愧主劫遷。何
况公家忠貞全。乃弟佶烈子存勗。曷堪鑿輅屢踰蹶。
彼哉朱家攫鼠爲。爲生鴟鴞化涎。九世大盜天所
殛。霸圖遂歸公裔賢。安公思祖欽英迹。紀錄記載鐫
渚石。高照道左明綱常。兒童走卒識順逆。丕我吾公
承前烈。嚴禁樵采勿狼藉。歲時肅祀舉曠典。誠心感
神神來格。微臣 髻亂誦公史。今日始向墓下跪。松栢
雖竒不北靡。碧血繡苔土花紫。年華水逝星霜換。遺
鏃猶或出隴址。到今風雨淒其夕。土人猶說龍哭起
當時廟議如奔波。公輩吞志空蹉跎。叡山誤納姦賊

降洛陽之幽。帝恨多。密詔遙出湧干戈。公也雖忠若天何。嗚呼公也雖忠若天何。

蕃山熊澤先生手簡真蹟歌

徠翁咬豆好詈人。詈倒今人及古人。不詈獨有吾熊子。且贊其才許經綸。自從元和初偃武。藝林如雲又如雨。一枝健筆媲韓蘓。萬斛珠璣壓李杜。熊子不肯于茲爭。盤錯聊試才縱橫。馬臻立湖興水利。革丹勸農又建黌。此書即是熊子作。天真爛漫非假託。天閑騏驥脫玉勒。高籥白雲不可搏。說母說弟兼規友。平生性情覩約略。聞其學原出伯安。持已接人有矩矱。

憶昔烈侯銳意治。誰為之輔為之師。維時熊子參密勿。經天緯地運心規。想見猷贊與此似。脩華啟實誠外馳。聖道由來無妙訣。吾於此書多所思。徠翁筆札亦妙絕。一時壇坫稱雄傑。失足權門心早飢。嘲人却被人慢媠。何若熊子骨岷強。晚節受屈節愈烈。書兮何雄恢。即是熊子經濟才。書兮何清貴。即是熊子浩然氣。

戊午七夕

星河奕々夜光央。久客傷心乞巧場。露泚玉宇金風冷。風拂香塵仙樂揚。牛帳愁來驚曉夢。鸞輿影動渡

天潢休嗟一會良緣淺。猶勝人間離別長。

中元

盃盤陳得酬佳節。節序駸駸感慨多。劍菱剝勁破愁陣。蜜父清涼降酒魔。此地高游興如此。故鄉今夜定云何。孟蘭盆會睽違再。回首西風涕淚沱。

秋日雜興

海國蕭森樹影稀。長空淡淡雁南飛。霜華欺老將侵鬢。砧杵催寒未授衣。獨慙殷鑒傷注事。且觀周易占先幾。殊思涓滴慚無報。昨夢如何落翠微。

水災行

黑風吹雨暗萬象。石走水立浪決漭。蒼生其魚木黍爛。洪水襄陵強一丈。兵役則蠲水旱除。勞心撫字帝之謨。百僚師々臯夔充。誰奏明庭請減租。

秋曉

擊々城鼓夢中聽。楮目微窺窻紙青。四壁蟲聲細如雨。五更燈火小於星。林風月落雲容曙。海霧龍歸潭氣腥。一氣鴻濛群動寂。此間天地別精靈。

望富士山

鰲掀一朵玉芙蓉。紫氣西來滿海東。峯轉三光星月日。勢凌五岳泰華嵩。綺雲縹緲群仙宅。秀色玲瓏太

古風會駕玉龍朝帝闕。丹梯石磴抵蒼穹。

咏懷三首 錄

披卷坐書窓。憂來倏沮怛。丈夫素有志。懷在求紫綬。燥髮誦詩書。搢々鑽研久。堅泚大道亾。蚊蛙譁萬口。秋風何地來。蕭索吹疎柳。我憂無可解。廢課還呼酒。北山如有情。粲然當戶牖。其下神龍棲。有淵寒且瀏。欲注而從之。水深不可狃。

咏史

藤公棄簪紱。楠公成陣歿。公等何所見。盍留護帝闕。當時或有說。細故史所忽。悲夫迂儒輩。悍然奮

饒舌。先指晰處事。敢不叨塘揆。隆中俟三顧。南陽仗策謁。去就及死生。料時不繆髮。二公王佐才。豈容逞口伐。喋喋古所戒。省身守質訥。

秋夜

絡緯似知秋。悽々草中鳴。田風掃寒葉。簌々疑雨聲。愁結燈火細。神澄魂屢驚。男兒志蹉跎。三十未請纓。撫劍起惆悵。列星燦前楹。仰瞻天漢上。愧靡記吾名。歲華駸々去。白露凋芒蘅。酒薄難成醉。病骨徒崢嶸。吾道存天地。大運曷時亨。

橫海歌三首 錄

亂截驚濤鯤鯨橫。桅竿絨籊海日明。尖鼻睥目渠何者。曰米曰佛曰魯英。萬里鄉隔盈盈水。來何所求云互市。願重民用愛布粟。遠方珍貨慎勿喜。

寓感

帝居杳何許。天門往自捫。天門麟宮堯。虎豹其旁蹲。虎豹罔靈性。閤深不通言。陽花滋榮耀。陰草易黃昏。痛哉地位卑。難荷皇天恩。太陽雖至公。竟不照覆盆。亭亭松栢陰。萬蘿寄其根。一朝遇銍獲。盡附枯柴燔。燔蘿無所益。遂背雨露恩。昔嘗聞父老。盧胡為癡言。自我困畏途。懷此驚冷魂。人情切所目。圖旦不謀昏。

聖尚詢藟蕘。癡言弗可護。

我非今世人。道骨稜々高。失足墜塵網。役物心神勞。利刃動折鉞。蘭燈易消膏。寧耐炙手熱。命火日煎熬。倬倬天池上。鷗鵬軒翱翔。我亦振衣袂。將凌滄海濤。揮手謝俗交。浩蕩跨金鰲。

心源寧而靜。泊如我忘吾。萬事咸悟破。翻復存區區。區區憂人國。提筆著潛夫。書成無所用。仰屋十嗟吁。貧賤洵可哀。飢寒不憐愚。鄰叟慮我窮。丁寧為我虞。請先止著書。速作塩糞需。微哂謝鄰叟。應漸圖前途。暮鐘隔江起。秋陰愁處生。酸辛身吐舌。籌略胸縱橫。

察勢雖憑識。誤我乃虛名。虛名非所求。誰為陳此情。
鳳隨天風下。終容無一鳴。

草木雜枳棘。獸畜產虎兕。堯舜雖大聖。四凶逞奸宄。
茫茫古來今。邪正互紛起。化序改榮枯。氣運成終始。
水本無心流。山唯默以峙。至人樂玄理。湛然忘悲喜。
癡矣秋陰蟲。抵死愁不已。

壯歲游燕都。腰橫雙青龍。娼家逢俠客。相俱披心胸。
喚白張盛宴。華燭煌如烽。名姝嬌行酒。一笑春花穠。
敲刀結心誓。同謀殄妖兇。黃金散手竭。歸臥翠微峰。
大蛇塞路瞋。張口跋々衝。斬蛇裂山石。惜哉劍折鋒。

秦皇拂胡虜。威武震絕域。漢武崇六經。化為詩書國。
盛業耀日星。炳焉不可匿。鄙夫媚人美。淺人誇一得。
彈劾如牛毛。偉人減生色。騏驥騁峻坂。蟻垤躓且踣。
鸞鷲駕閭風。誤鍛凌霄翼。千古腐心事。緬懷浩太息。
悲哉英雄漢。幾許死繩墨。

讀書惜永夕。沈々移漏刻。心洞徹虛明。星華光夜黑。
安得起古人。把臂晤所得。我生良不辰。此意空悃悞。
夢逢衣冠揖。繡縷語我側。其人學齋淪。底蘊遂不測。
顧念如我曹。宇宙奚啻億。古人真猶龍。豈樂友螟螻。
古人不可友。願積誓古力。

天晴北雲遠。秋風一雁飛。萬里越山客。思家猶未歸。
明月似解愁。故故入我衣。

燈寒影吊形。抱膝作楚吟。壁懸一管籥。真賞俟知音。
知音信寂寞。人世風塵深。神物不世出。忍俾其銷沈。
遙想清霜夜。群壑極幽尋。試臨百尺潭。吹起蟄龍心。

十三日橫山克壯小祥

懷舊淚零心緒紛。孤床展轉正思君。此時那不柔腸
斷。落木啼蛩一夜聞。

涼月賓鴻秋氣侵。香爐灰冷夜沈沈。夢魂剗記去年
事。春雨京城卧話心。

客樓晚興

莎長柳短暮江愁。處處清砧滿客樓。節物蕭條無限
思。武昌風雨近中秋。

涼夜

城頭落月乍斜明。一片浮雲萬古情。白露蒼烟虫語
亂。秋風滿地起寒聲。

己未中秋

萬里關山秋色蒼。當空大月動寒光。夢清庭樹鴉皆
起。夜靜江天塵不揚。幾處高樓醉絲管。孰知游子思
家鄉。恐他一片樓頭月。去照慈親鬢上霜。

擊碎唾壺歌九歌。狂父自是感時多。芝浦晴烟淡臺榭。高輪明月照山河。豈嫌邀友無芳酒。可樂當筵有素娥。光影婆娑雲忽合。不唯人世苦風波。

送友人還鄉

鞭影秋光去處山。指東馬首向函關。此去誰憐孤客苦。蟲聲一路送君還。

江門秋夕

伊豆山頭秋月高。何來爽氣滿江皋。西風誤觸蛟龍怒。吹落河門千頃濤。

霸圖寥落水東流。滿面悲風暮日收。百二關中秋氣

動。白雲斷處是相州。

寓感

麟脯珍悅口。蜀錦麗奪目。物貴還疏用。巨代布與穀。人固多所欲。要在飽口腹。鴻雁謀稻梁。麋鹿游山麓。品類遂其性。各自全天祿。天祿不可僭。僭之即殄戮。何奈胡椒實。積至八百斛。

百日至三公。荀爽三世仍為郎。揚雄得失來無端。屈伸奚

有常。人事不屬人。分寸難可強。秋夜不可短。春宵不可長。鶴脰與鳧翻。一々細裁量。矧其期會來。鬼神不能妨。妖蟆食陰魄。害氣蔽陽光。天地亦復爾。一笑指

蒼蒼。

靜觀瀛海內。庶物寔生々。浩浩群類中。何者為最珍。
在人為聖賢。在物龍及麟。自餘蟲魚屬。一瞥同飛塵。
除非尤物外。隨生又隨泯。嗟予志濟世。濩落過十春。
持論非不高。才元踈經綸。功業宿志違。仕途方逡巡。
後來編史者。目我為何人。

有感

遺却功名萬念休。渾將心事付悠悠。自聞胡舊沈淪
慘。短笛清砧別有秋。

題圖

家在黃楊落照邊。前臨流水後桑田。休疑鶴髮塵清
絕。山雨溪風五十年。

高輪竹枝

漁火遙遙小似星。暗潮作響齧沙汀。白蝦紫蟹秋光
老。買醉人多在水亭。

秋日寓居雜題

霜葉聲乾秋已衰。客中懷抱枕頻欹。夜來窗外啼蛩
雨。聽到五更殘夢時。
芸窓虛敞雨徐收。蟲語晝聞知境幽。世事隨緣推換
了。今年秋不去年秋。

禪榻茶烟颺夕陽。趺跏入定淨肝腸。垢衣不澣休深怪。為帶君王顏色光。

賜觀公自著洋貨譜引

去年正月降幕令。命各有土議夷情。維時公首論換幣。意氣揚厲辯風生。滿城岳牧孰解事。千百群中靡三二。公識龜卜腸鐵石。言出其位無所忌。唐家權臣逞搏噬。內有長舌誇小慧。聞人骨肉危人國。奚唯小費愆大計。七月星落黑太虛。魍魎自茲恣怱噓。朝野清流一網盡。盛名古來稱難居。公既負罪絕世務。對山樂水守雅素。玉帶名馬愛久割。掃地燒香祈佳句。

翻有睠顧淚未涸。間勞手筆譜泉布。皇經蕃緯比例諦。登用載月細註疏。書成持命賜臣看。臣紀閱畢愕大觀。魯英佛米品蕃庶。良窳純雜非一端。花紋人面背鸚鵡。碩輪荷葉小彈丸。清潔全脫肤血汚。銀光凝眼白日寒。聞說方今狃互市。金賤銀貴價巨擬。彼我損益日囂爭。改鑄之議籍々起。哲人知幾昧者疑。久矣遠圖不行時。於乎帖也奈汝何。俯仰今昔增我悲。

粟津原懷古

旭日將軍不可當。三軍咄嗟稱霸王。平鼠無膽兼無算。抱首逡巡求穴竄。設伏出奇挫敵強。礪並山頭威

武揚北陸子弟三千人。赴京勢如風雨狂。我嘗聞史
至漢楚深憾項業中隆緒。蓋世勇氣拔山力。獨惜臨
事錯處所。縞素謬借姦雄資。大勢一去不可為。英雄
末路千行淚。可奈虞兮可奈騅。將軍何亦始終似。其
興也暴滅也駛。幡蒿滿野無人薦。英雄傍徨粟津里。
我來憑弔暮雲殘。鷓鴣亂叫毛髮寒。腥風撲面馬蕭
蕭。荒隴鬱樹作怒瀾。我聞逆天者凶順天者吉。振古
此理明白日。為帝為院非宜替。草昧男兒疎名實。雖
然克戮深仇慰祖魂。再榮衰族大其門。至今節鉞屬
君宗。噫將軍可瞑九原。

大石良雄圖

君恩山重身命輕。興復主家臣素情。已斬大仇臣願
遂。恨伴臣輩得忠名。

去年先考所種芙蓉開有感

秋衰景物盡悲哉。心地凝愁冷似灰。深院寂寥人遠
逝。芙蓉一朵為誰開。

送蔣田半作之越前

昨日別春今別君。愁心如縷亂紛紛。陽關曲罷望湖
北。腸斷山山萬疊雲。

菊

簇白攢黃故麗明。偏憐花色適吟情。葢含玉露姿添
艷。叢帶金風香益清。盆裡蕙蘭可知已。庭前松竹是
同盟。由来隱逸本君志。不競青春桃李榮。

泛湖

駕得湖頭一葉舟。望窮雲末水如流。東西南北皆佳
境。彷彿洞庭八月秋。

身間伴白鷗

窓對青山門瞰流。世塵疎處占清幽。江村知是有良
友。日日投鈞伴白鷗。

山中無曆日

嶺壓書窗溪繞籬。柴門寂寂夕陽遲。世間甲子何須
問。冬去春來只自知。

野逕尋梅見小春

野逕尋來又水隈。水隈認得一株梅。凜風清雪頗幽
味。凍蕊凝香絕污埃。只覺昨宵寒意切。反疑今日淑
光回。為嫌桃李善柔友。應襲黃花隱逸開。

湖村月夕

蒹葭籬落竹菰門。薄醉陶然坐小軒。飛鳥還林雲入
岫。清風明月滿湖村。

瓶中梅

玉骨冰姿一朶春。斜簪瓶裡放香新。愛君能耐風霜苦。况又床無半點塵。

謝友人見問

一紙封書一卷詩。寄來正值憶君時。開緘一讀如相話。已免天涯勞夢思。

村童戲水中

日午涼微柳岸風。兩三來浴有村童。一人忽自蘆邊出。報道秋鱸躍水中。

秋夜旅情

梧桐落盡柳將殘。千里客程霜露寒。最是愁心難奈

處。砧聲月色獨凭欄。

夜聽落葉聲

打戶敲窗疑雨聲。滿庭簌簌代蟲鳴。中宵試捲疎簾見。落木林端月色清。

初冬閒居

我愛吾廬靜。冬來興轉餘。遙巒宜見雪。近水好釣魚。排悶安須酒。銷閒賴有書。偶然吟意動。襪屨出茅廬。

春寒

春風料峭透衣寒。醵酒屢傾抵敵難。桃李未開鶯未至。離爐無意試吟鞍。

初夏偶作

門前茂柳雨餘煙。池水蒼蒼草色芊。蛺蝶魂驚落花地。芰荷香發晚晴天。閒開園外黃鶯老。更見林中綠葉連。吾居元自無塵事。唯枕詩書成午眠。

呂望釣渭圖

避紂來居渭水頭。茅中兀坐日垂鉤。要知君意非魚鼈。請見東為齊國侯。

初夏即事

殘花紅作席。茂樹綠連牆。茅室無炎暑。風窸有午涼。蟬聲槐葉裏。漁艇柳塘傍。倚几敲詩句。閒消夏日長。

晚春書事

紅老白衰綠滿山。春光九十漸將閒。切情不若小蟲巧。蛛網留花在樹間。

讀朱子綱目

筆削權衡微且嚴。發揚大義豈纖纖。無論亂賊誅心劍。尚是忠臣頂上砭。

和杉田梅里翁轉居韻

車馬疎邊鎖竹門。獵名弗欲向中原。勸君更盡幾杯酒。羽澤山頭月一痕。

即事

棊花日逗氣將融。楊柳不寒面面風。何日丹陵一樽酒。與君相共訪桃紅。

九月十二夜與半井伯和伴圭左會飲于石

原愛軒曹舍

芋魁侑醉夜闌干。不覺滿庭霜露寒。圍坐共譚故國。更月光莫做客中看。

又

秋天澄霽月高懸。影入塘松也更妍。故里清筵何處許。風流尤憶芴溪邊。

寄長谷部脩溪

交誼豈因盃酒歡。商量吏務共披肝。楊炎設法非收斂。子產臨民不尚寬。雪夜擁爐論道邃。春園賞月惜花殘。荆公未免迂儒謗。懇借周官仔細看。

歲旦

萬戶歡聲賀履新。瑞烟祥靄填城闥。要知王化遍。第狄請看惠風吹遠賓。

偶成 時五歲

我本斗筭庸劣人。繆蒙重睠預樞鈞。英謀爭得周瑜似。晚拜何羞鄧禹頰。昨傳侯伯參廷議。今聽蠻艦泊要津。自憐宿昔青雲志。落寞空過廿五春。

三日

自愧斯生似石頑。昨非今是未幡然。一片孤忠前夜夢。寶船不夢夢蠻船。

書懷

筮仕得君值聖明。撫躬常慚負恩榮。上書狂直汰庸吏。承乏菲材職監黷。誰認祖山穿錦礮。吾於大海掣鯢鯨。洋行禁紓知非遠。要挂春帆泛太平。海名

又

寶刀傳祚武功巍。西虜東夷王化歸。一自埤關寬鎖鑰。遂伴廷議誤樞機。相臣翻恨無秦檜。都督寧

論不岳飛。禦侮折衝今日是。孰航西海耀皇威。

寄懷雪江參政六言

魚躍鳶飛活潑。光風霽月常惺。榮枯毀譽渾擲。後樂先憂未停。

題秋野畫六言

雲出岫驚起澤。秋將夕菊將荒。紅蓼風白蘆月。是造物無盡藏。

夜踰函嶺

落日已沈西嶺西。山烟遮眼路高低。癡雲乍合月將沒。苦竹叢中鬼鳥啼。

即事

黃梅時節雨如烟。水漲池塘草色芊。門外泥深人不
到。四簷琴滴伴閒眠。

又

奴事酣眠主事書。小園蓬竹任他舒。此心祇許先賢
識。茂叔窓前草不除。

奉和蟾州憲臺下田即事韻

五月十日

莓苔蒸碧上窓紗。書劍猶漂天一涯。爭繼閣龍航海
志。布帆無恙到叻哇。

五月望侍坐恭賦

老松古柏鬱崔嵬。搖影玉樓臨池開。石對何唯恩遇
感。幾時坐了小蓬萊。

全

百折勾欄對曲池。躍魚於叔日斜時。幽禽不是無情
物。飛向長松最下枝。

奉寄成山公子

仗劍裹糧宵出疆。錦衣裔裡破天荒。大西洋事曾知
否。君是後身比達王。

牽牛花

花落花開晨復晨。花開花落幾經旬。自知開落關天

意世上何花勝汝春。

季夏九日與脩溪慙堂赴石原氏宴賦以贈

二兄

相遇相離在轉瞬。不伴別淚濕衣巾。多情預恃今宵月。各照天南地北人。

呈梅里杉田先生併乞正

卯年作檢
紙獲此

拋擲少年豪宕情。却詢漁伴訂鷗盟。雞棲豚柵安容膝。酒海花天欲了生。不管世間評得失。懶將兒輩較輸贏。此是高人高臥處。寧論無○獵時名。原本無字
下脫一字

又

有才之美不驕吝。熙國材多寡等倫。學涉九流聞極博。業傳三世術原仁。間雲野鶴共高趣。白石青松已卜鄰。尤羨君今脫羈絡。醉歌放嘯樂天真。

戊午五月晦。議事於君前。四更還舍。此夜獲

快夢。因賦。

酒力無功魂欲銷。雨窓燈暗夜寥蕭。還怪忽地滿身快。夢到平川第一橋。

戊午初秋五日。吾春嶽公有故蒙致仕命。其翌公特賜物親臣五人。以獎勞之。而臣亦與焉。感恩之餘。賦一絕以奉謝。

天門墜落不成龍。僅伏藻間試噉噉。此意蚤逢明主
悟。賜恩躍鯉。鯉。硯。數。頭。名。蓋。及。身。畫。躍。因。命。云。躍。鯉。慰心慵。

初秋十日即事

未教涼颼制炎埃。蒲柳望秋早已摧。對月聆蟲思故
友。無天無地不悲哉。

偶成 十一日

半生落魄客山東。諳盡人間達與窮。浴罷閒居无一
事。卧看星斗滿秋空。

又 同前

夢回燭燼寂茅齋。喜見冰輪宿老槐。幽興開窓推句

久。恐他露氣襲衰骸。

初秋有感

無復柳絲繫紫騮。五湖行欲買海舟。冷悽蟲響朦朧
月。渾作愁人枕上秋。

十三日直中賦即事

漠漠炎雲掩日輝。簷鈴聲歇汗如璣。西風一陣吹將
去。不向人間作雨飛。

應命恭奉攀芳礎二首

高卧養真安樂窩。顧思往事苦辛多。北園蟲響南庭
月。自比陪從縱醉歌。

掌大蔡園容膝窩。秋來留韻月光多。微軀只喜保餘命。鼓腹日吟安樂歌。

公園紫藤發狂花賦喜

天公元自巧除乘。禍福往來如糾繩。請見秋風搖落裡。紫藤花發表奇榮。

仲秋卧病雜感

落月蔽雲又乍明。霜風蛩雨枕頭鳴。默思遊迹十年事。孤客此時難作情。為有慈親在故鄉。每聞征雁轉悲傷。欲裁尺素問消息。萬里雲山望渺茫。

隴月涼風鳥疾歸。望鄉雲樹影依稀。遙思癡弟唔咿罷。應詡金魚幾寸肥。

翠袖紅裙不識愁。管絃幾處大槁頭。清風明月無人管。拋却南樓一夜秋。

數闋嬌歌侑綠醅。綺羅邀月坐江臺。誰知一片清輝影。嘗照澳門白骨來。

自嘲身似杞人愚。元是乾坤一腐儒。賴有鬢雙霜不染。豈因一蹶嘆頭顱。

晚秋偶作

細雨冥烟晚漸收。寒蟬哀雁喚吾愁。半窗霜月懷人

夜一枕淒風落葉秋。凡骨知難任將相。素心常欲伴

鬼鷗。移家負郭終無計。惆悵非由為國憂。

病驥千里志何空。試繙史書杳始終。時聽秋蛩感興

廢。偶觀枯樹識窮通。滿樽供客常憐士。運甓勞軀欲

立功。人事易蹉非策拙。莫將成敗評英雄。

甲寅暮秋十九日書懷

雨聲蟲叫亂紛紛。孤客思家不耐聞。未繼箕裘先考

志。寒燈挑盡讀洋文。先君子沒既三年。紀也學不益

弟子維常好講兵籍。今將遠遊故賦以為別

二首

觀感此行應有益。莫將空理談兵籍。海東五十三程

間多是龍驤虎鬪迹。

今來書劍事周游。雄氣堂々貫斗牛。他日鈐鞬成業

後。遂能吞五大洲不。

蘇園遺中

卷上

三

Blank lined area for writing.

010190526351

48 13089

